

LAZA ADINA HISTO-GEO

Nisavoritaka tanteraka ny fanadinana bacc omaly hariva

A zo lazaina ho nisavoritaka tanteraka ny fanadinam-panjakana bakalorea omaly hariva, saika manerana ny Nosy mihihitsy, satria tafavoaka mialoha ny laza adina Histo-Géo izay natrehan'ny mpiadina. Noho izay antony izay, naato ny laza adina Histo-Géo io ary nosoloina avy eo. Mbola tsy nisy hatramin' izay ny zavatra toy izany teto Madagaskara raha tsy tamin'izao fitondrana Rajoelina izao. Araka ny nambaran'ny Directeur de l'Enseignement supérieur, dia naato aloha ny fanadinana taranja Histo-Géo ho an'ireo Serie A, C,D manerana ny Nosy, fa miandry ny laza adina fiandry. Nisy nandefa tamin'ny fesiboky ny laza adina tokony ho natrehan'



Savoritaka nitrange tamin'ny baka tany Antsohihy.

ireo mpiadina.

Tany Antsohihy faritra Sofia, savoritaka tao amin'ny Centre Sevira. Nivoaka ny efiranom-panadinana ireo mpianatra. Voalaza fa nanjavona ny laza adina, nisy kosa nilaza fa efa ni-paritaka loatra ny laza adina ka tokony ovaina

laza adina fiandry (Sujet 2). « Efa mikorontana ny sainay ka tokony hajanova aloha ny fanadinana », hoy ny horakoraka na-tao'n'reo mpiadina tamin'izany. Niezaka nitady vanhalana ireo tompon' andraikitra, nanohy fandaminana ny mpitandro fil-

minana.

Tany Morondava koa, niato ny fanadinana ary tsy nitohy raha tsy tany amin'ny 5 ora hariva, tsy nifarana raha tsy tamin'ny 8 ora alina raha ny vao-vao voaray, maro anefae ireo efitrano fanadinana tsy misy jiro, koa dia samy niezaka nitondra jiro : torche ho an'ireo mpiadina ny ray aman-dreny sy ny fianakavian'ny mpiadina.

Voakasik'izay fisavoritaha ny tamin'ny baka tany Antsirabe faritra Vakinankaratra.

Taratry ny kitoatoa sy ny tsy fahaiza-manaon'ny fitondrana Rajoelina avoka izao fisavoritaha amin'ny fanadinana bakalorea izao. Mampanahy ny ho avin'ny mpianatra.

Ny Valosoa

Radio Feon'Imerina 25 taona

Ivon'ny fankalazana ny alahady izao etsy amin'ny CC Esca



Gothlieb sy Nini, anisan'ny hiara-hankalaza ny faha-25 taonan'ny Radio Feon'Imerina.

vahana mandritran'io Alahady io, saingy ny fomba hanehoana azy no hia-vaka tsy toy ny fahita, satria hisy ireo hira ho tendrena amin'ny piano, fa hahazo laka ihany koa ireo hira harahina valiha sy gitara ary sodina sy angorodao .

Mpanankanto avy avy amin'ny sokajintaona rehetra

Eo amin'ny "Kalon'ny fahiny" harahina piano dia ho hita ao ny tarika So-

lika, Gasy Miangola, Angolan'Imerina, ireo harahina valiha sy gitara dia hahitana an'i Trio Donné Andriambaliha , Kolibera sy ny Solofon'ny Ela, Ralanto, ny tarika Tsil-Ahy sady hampiasa piano no harahin'i Zamba sy Bera amin'ny gitara sy valiha ihany koa, eo amin'ny Hirany'ny omaly dia ahitana ireo sokajintaona samihafa, ny efa zokinjokinkony dia tsy hanaiky gisitra ry Salomon sy Lizah Rasetra, sy J Andriamanan-

tena sy David Andriantsiferana, ireo tanora ahitana an'i Lilie Soa sy Gothlieb , Nini hihira Gaston Andrianony, Nicole Moreno, Faniry Raelison, Andriampaniry, fa ny tombony ho an'ny mpiery dia hilalao sombintseho na "extraits de scène "i Haja sy Oly ary Tiana, ireo telo mianadahy nampalaza ny Tropy Jeannette fahiny teo amin'ny teatra ary ny Tarika Odeamson, ireo Zafin'i Odeam Rakoto hamelona indray ny kanto navelan'ny dadaben.

Hanentana ny fampisehoana amin'ny alalan'ny hainteny sy ny tononkalo ireo tanora beazin'ny Radio Feon'Imerina , toa an'i Ndrema sy Raozy ary Cédric sy Fy.

Ireto karazantseho samihafa ireo no nahatonga ny Radio Feon'Imerina nisa-

fidy ny lohateny hoe "Fe-

hezantseho Hafa Mihintsy

" amin'izao tsingerintaona faha-25 izao.


Ny Valosoa

Fivoahan'ny laza adina bakalorea

Nikorontana tanteraka ihany koa ny mpiadina tao Antsirabe

Tsy afaka niatrika am-pitoniana araka izay tokony ho izy ny taranja tantara sy jeografia ny mpiadina bakalorea, teto anivon'ny faritra Vakinankaratra omaly tolakandro. Anton'izany ny fivoahan'ny laza adina mia-lohan'ny fotoana. Nisy tamin'ireo ivon-toeram-panadinana no efa nizara ny laza adina saingy voatery nosintomina teny an-tanan'ireo mpiadina izany rehefa nilatsaka ny baiko ny amin'ny hanoloana ny laza adina izay voalaza ho efa hitan'ny sasany amin'ireo mpiadina. Nanomboka nivoaka ts-

kelikely avy tao amin'ny efiram-panadinana ireo mpiadina, ka niandry ny fotoana nilatsahan' ilay laza adina fiandry sy ny handikan'ireo mpiambina izany teny amin'ny solairabe vao afaka nanomboka. Efa teo anelanelan'ny tamin'ny 3 ora sy tam'inny efatra ora sy sasanay vao afaka nanomboka ity taranja tantara sy jeografia ity araka izany ny ankamaroan'ireo mpiadina teny amin'ireo ivontoeram-panadinana maro teto anivon'ny faritra Vakinankaratra. Ankoatra ny fikorontanana teo amin'ny lafiny ara-potoana izay



Labozia sy torche, no nampiasain'ny mpiadina maro nanazavana ny efiranom-panadinana.

niteraka fahasorenana sy tebety tamin'ny mpiadina sy ireo ray aman-dreny dia olana hafa mbola nosedraina ihany koa, ny

tsy fisiana jiro tany amin'iro efitrano maromaro.

Ny alatsinainy lasa teo no efa nalaza ity resaka fivoahana laza adina ity, saingy io omaly io vao nisy ny fandraisana andraikitra. Mpiasa maro eo anivon'ny Universitean'Antsirabe no efa no-hadihadian'ny polisy teny anivon'ny toeram-piasany omaly tolakandro. Dia samy miaina fahasorenana sy fanelingelenana avokoa aloha izany na ny mpiadina, na ny ray aman-dreny sy ireo mpanabe mandram-piandry ny valin'ny fanadihadiana.

Angola Ny Avo

Mpitantana "Barea Jeux des Iles 2023" sy FMF Nihaona tamin'ny Minisiteran'ny Fanatanjahantena tetsy Mahamasina

Ho fanomanana ny Lalaon'ny Nosy 2023 hatao eto amintsika, dia nihaona tamin'ny ministeran'ny fanatanjahantena Malagasy notarihan'ny Ministra ao aminy, tetsy amin'ny efitrano fivoran'ny kianjan'i Mahamasina tamin'ny alatsinainy 17 jolay 2023 ny Federasiona Malagasy Baolina kitra, niaraka tamin'ireo ekipa teknika mandrafitra ny ekipam-pirenena Malagasy (Barea JIOI 2023 Mada), sy ireo mpanazatra matihanina, nafaran'ny fitondram-panjakana tamin'ny alalan'ny Minisiteran'ny Tanora sy ny Fanatanjahantena. Voaresaka nandritra izany ny fampivondronana ny Barea izay hatao any Mahajanga ary hisy araka izany ny lalao arapirahalahiana izay hifanandrinana amin'ny ekipan'i Mayotte sy ny ekipan'i Kenya. Nampanantena vokatra tsara sy hitondra avo ny voninahi-pirenena ny mpitanana ny Barea nandritra an'izany fihaonana izany.

Rainilita

Mpitantana ny Barea tetsy Mahamasina.

Basikety Championnats nationaux U14 lahy sy vavy

Hiditra amin'ny lalao ampahavalon-dalana ny fifaninanana

Hiditra amin'ny dingan'ny ampahavalon-dalana ny fifaninanana basikety « Championnats nationaux U14 lahy sy vavy», izay tontosaina etsy amin'ny kianjan'i Mahamasina, taorian'ny fanatanterahana ny andro-faha-5 farany amin'ny ffanintsanam-bondrona natao omaly alarobia 19 jolay 2023. Lalao niisa 30 indray no-notanterahina tamin'izany teo amin'ireo Kianja miisa 6 hanaovana ny hetsika. Toy izao aloha ireo vokatra « homologués » tamin'ny andro faha-4, talata 18 joaly 2023 Sokajy U 14 vehivavy : Lucadro 38 - 31 Alsi, Fandrefiala 25 - 10 Bci 104, Jap Mada 24 - 21 Asut, Gotham 27 - 50 Phoenix, Abbcm 10 - 20 Asbm, Sepa Bongolava 14 - 40 Mb2All, Dunamis 40 - 26 Cbf, Fbc 27 - 24 Crjs, Ats 05 - 23 Jea, Pintade 31 - 33 Sepa Abm, Ast 24 - 21 Ffpro Bctm, Bc Sja 15 - 24 Ebf, Assm 44 - 22 Veb, As Monfort 33 - 09 Fandrasa. Sokajy U 14 lehilahy : Nbe 56 - 37 Veb, Pintade 36 - 43 Ebf, Sac 25 - 41 Ffpro Bctm, Tanora 503 25 - 44 Ascot, Bci 104 37 - 47 Jap Mada, Cbf 26 - 59 Assm, Cosfa 39 - 31 Aslas, Bas 40 - 25 Abbcm, Nbc 20 - 25 Ats, Dts 33 - 29 Mfb, Asm 36 - 40 A2bc, Cbu 34 - 37 Jsb, Asa 40 - 30 Sbc, Mb2All 35 - 39 Asbm, Fbc 45 - 28 Sepa, Bcest 40 - 56 Crjs.

Rainilita

Basket U 14 2023.